



Ráðhús Reykjavíkur  
Borgarráð

**Efni: Aukið framlag**

Á fundi skóla- og frístundaráðs þann 9. ágúst 2017 var lögð fram svohljóðandi tillaga skóla- og frístundaráðsfulltrúa Samfylkingarinnar, Bjartrar framtíðar og Vinstri grænna, ásamt minnisblaði sviðsstjóra skóla- og frístundasviðs, dags. 12. júlí 2017, umsókn Hjallastefnunnar um aukið framlag, dags. 1. júní 2017, samningur um rekstrar- og húsnæðisstyrk vegna vistunar reykvískra barna í leikskólanum Öskju, dags. 19. maí 2010, auk viðauka dags. 24. september 2012 og drög að viðauka dags. í maí 2013:

Lagt er til að viðmið um hámarksfjölda reykvískra barna sem heimilt er að greiða framlag vegna til leikskólans Öskju verði breytt með þeim hætti að miðað verði við að hámarksfjöldi reykvískra barna sem heimilt er að greiða framlag vegna geti orðið 137 í stað 101 frá 1. september 2017. Sviðsstjóra er falið að gera viðauka við núverandi samning aðila frá 19. maí 2010, þar sem kveðið er á um fjölgun barna þegar skilyrði um útgáfu rekstrarleyfis hefur verið fullnægt.

Synjað er beiðni um að gerður verði samningur um greiðslu framlags vegna eins árs barna í leikskóla Hjallastefnunnar í Garðabæ.

Greinargerð fylgir.

Tillagan var samþykkt og vísað til borgarráðs með sex atkvæðum skóla- og frístundaráðsfulltrúa Samfylkingarinnar, Bjartrar framtíðar, Vinstri grænna og Sjálfstæðisflokksins. Skóla- og frístundaráðsfulltrúi Framsóknar og flugvallarvina sat hjá

Virðingarfyllst

Helgi Grímsson

sviðsstjóri skóla- og frístundasviðs

Hjálagt:

Minnisblað sviðsstjóra, dags. 12. júlí 2017

Umsókn Hjallastefnunnar, dags. 1. júní 2017

Samningur um rekstrar- og húsnæðisstyrk v/vistunar reykvískra barna, dags. 19. maí 2010

Viðauki við samning, dags. 24. september 2012

Drög að viðauka, dags. maí 2013



Ráðhús Reykjavíkur  
Borgarráð

***Efni: Aukið framlag***

Á fundi skóla- og frístundaráðs þann 9. ágúst 2017 var lögð fram svohljóðandi tillaga skóla- og frístundaráðsfulltrúa Samfylkingarinnar, Bjartrar framtíðar og Vinstri grænna, ásamt minnisblaði sviðsstjóra skóla- og frístundasviðs, dags. 12. júlí 2017, umsókn Hjallastefnunnar um aukið framlag, dags. 1. júní 2017, samningur um rekstrar- og húsnæðisstyrk vegna vistunar reykvískra barna í leikskólanum Öskju, dags. 19. maí 2010, auk viðauka dags. 24. september 2012 og drög að viðauka dags. í maí 2013:

Lagt er til að viðmið um hámarksfjölda reykvískra barna sem heimilt er að greiða framlag vegna til leikskólans Öskju verði breytt með þeim hætti að miðað verði við að hámarksfjöldi reykvískra barna sem heimilt er að greiða framlag vegna geti orðið 137 í stað 101 frá 1. september 2017. Sviðsstjóra er falið að gera viðauka við núverandi samning aðila frá 19. maí 2010, þar sem kveðið er á um fjölgun barna þegar skilyrði um útgáfu rekstrarleyfis hefur verið fullnægt.

Synjað er beiðni um að gerður verði samningur um greiðslu framlags vegna eins árs barna í leikskóla Hjallastefnunnar í Garðabæ.

Greinargerð fylgir.

Tillagan var samþykkt og vísað til borgarráðs með sex atkvæðum skóla- og frístundaráðsfulltrúa Samfylkingarinnar, Bjartrar framtíðar, Vinstri grænna og Sjálfstæðisflokksins. Skóla- og frístundaráðsfulltrúi Framsóknar og flugvallarvina sat hjá

Virðingarfyllt

Helgi Grímsson  
sviðsstjóri skóla- og frístundasviðs

Hjálagt:

Minnisblað sviðsstjóra, dags. 12. júlí 2017

Umsókn Hjallastefnunnar, dags. 1. júní 2017

Samningur um rekstrar- og húsnæðisstyrk v/vistunar reykvískra barna, dags. 19. maí 2010

Viðauki við samning, dags. 24. september 2012

Drög að viðauka, dags. maí 2013



## MINNISBLAÐ

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

***Efni: Umsókn um aukið framlag vegna 36 barna við leikskólann Öskju og að greitt verði framlag vegna reykvískra barna í smábarnaleikskólanum Hnoðraholti í Garðabæ***

Með bréfi, dags. 1. júní 2017, fer Hjallastefnan ehf, fram á að greitt verði aukið verði framlag til Hjallastefnunnar vegna þeirrar breytingar að hluti af starfsemi leikskólans verður rekinn í húsnæði grunnskóla Barnaskóla Hjallastefnunnar að því gefnu að breytt rekstrarleyfi verði samþykkt af skóla- og frístundaráði. Til stendur að færa 5 ára börn leikskólans Öskju að Nauthólsvegi 87 og hluta af 5 ára börnum sem verið hafa í Laufásborg í húsnæði grunnskóla Barnaskóla Hjallastefnunnar að Nauthólsvegi 87, Reykjavík. Ástæðan er sú að nemendum grunnskólans hefur fækkað nokkuð undanfarið. Ætlunin er að reka leikskóladeildina sem hluta af rekstri leikskólans Öskju.

Með vísan til umsóknar Hjallastefnunnar ehf, dags. 1. júní 2017, óskar Hjallastefna ehf eftir að greitt verði framlag vegna 36 fleiri barna en núgildandi þjónustusamningur kveður á um. Skv. samningi aðila frá 19. maí 2010 er heimilt að greiða framlag vegna 80 reykvískra barna. Samtals verði því heimilt að greiða framlag vegna 116 reykvískra barna í leikskólanum Öskju.

Í kjölfar umsóknar skólans var haldin fundur með fyrirvarsmönnum fyrirtækisins. Fundinn sátu af hálfu skóla- og frístundasviðs Elísabet Helga Pálmadóttir og Kristín Hildur Ólafsdóttir og að hálfu Hjallastefnunnar Margrét Pála Ólafsdóttir, Þórdís Jóna Sigurðardóttir og Guðrún Silja Steinarsdóttir.

Fjármálaskrifstofa SFS hefur reiknað út fjárpörfina miðað við að börnin verði í 8,5 tíma vistun. Gert er ráð fyrir kr 7.464.420 á mánuði eða kr. 82.108.620 á ársgrundvelli. Kostnaður á árinu 2017 er áætlaður kr. 29.857.680 ef miðað er við að greitt verði framlag vegna 36 barna frá 1. september 2017.

Í bréfi Hjallastefnunnar, dags. 1. júní 2017, er farið fram á að heimilt verði að greiða framlag vegna 10 reykvískra barna í smábarnaleikskólanum Hnoðraholti í Garðabæ.

Skv. reglum Reykjavíkurborgar um leikskólaþjónustu „skulu börn að jafnaði sækja leikskóla í því sveitarfélagi þar sem þau eiga lögheimili“ Undantekningar eru frá kröfu um lögheimili í Reykjavík, en enginn þeirra undantekninga taka til beiðni Hjallastefnunnar.

Skv. reglum Reykjavíkurborgar um leikskólaþjónustu „skulu börn að jafnaði sækja leikskóla í því sveitarfélagi þar sem þau eiga lögheimili“.

Skv. gr. 1.c í reglum Reykjavíkurborgar um leikskólaþjónustu gerir skóla- og frístundasvið ekki samninga við sjálfstætt starfandi leikskóla utan Reykjavíkur vegna vistunar reykvískra barna. Framlag skóla- og frístundasviðs vegna vistunar reykvískra barna í sjálfstætt starfandi leikskólum utan Reykjavíkur fer eftir sérstöku samkomulagi sveitarfélaga, sjá nánar [www.samband.is](http://www.samband.is), enda uppfylli barn skilyrði um aðgang í leikskóla Reykjavíkurborgar. Sækja skal um slíka undanþágu á netfangið: [sfs@reykjavik.is](mailto:sfs@reykjavik.is).

Skv. reglunum er ekki greitt framlag með börnum yngri en 18 mánaða í sjálfstætt starfandi leikskóla utan Reykjavíkur en heimilt er að greiða sömu niðurgreiðslu og greidd er til dagforeldra sé öllum skilyrðum reglna um niðurgreiðslu vegna barna hjá dagforeldrum fullnægt.



Reykjavík 1. júní 2017

## Framtíðarsýn fyrir leikskólann Öskju

Hjallastefnan vill bjóða Reykjavíkurborg upp á fjölga leikskólabörnum í húsum sínum í Öskjuhlíð og að nýta sér rými fyrir eins árs börn í smábarnaskólanum Hnoðraholti í Garðabæ. Forsendur eru eftirfarandi:

1. Leikskólinn Askja starfar í 658 m<sup>2</sup> húsi við Nauthólsveg. Húsnæði Barnaskólans í Reykjavík er á sömu lóð, tvö hús með fjórum sjálfstæðum álmu.
2. Nokkur fækkun hefur verið á grunnskólabörnum í Barnaskólanum og því getur leikskólastarf Hjallastefnunnar nýtt hálf t hús eða eina álmu. Álman er 318 m<sup>2</sup> og að auki fær álman helming af 100 m<sup>2</sup> tengibyggingu með þjónusturýmum.
3. Alls getur leikskólastarf okkar því verið í 1.026 m<sup>2</sup> sem samkvæmt almennum viðmiðum; 7m húsnæði pr. barn í leikskóla. Það þýðir um 145 börn alls.
4. Fimm ára starf (börn f. 2012) getur farið fram í álmu Barnaskólans en undir stjórn Öskju enda um leikskóla að ræða. Þar með fækkar um 24 börn í Öskju og mögulega munu einhver börn frá Hjallastefnuleikskólanum Laufásborg kjósa að færa sig í 5 ára starf í Öskjuhlíðinni. Í Laufásborg eru 32 börn fædd 2012; td. gæti helmingur þeirra valið að færa sig og þá losna rými í Laufásborg. **15 ný börn.**
5. Ný börn koma inn í Öskju til viðbótar því sem ella hefði verið; **24 ný börn.**
6. Smábarnarými verður tekið í notkun í húsnæði Öskju. Hluti stoðþjónusturýmis er núna afmarkaður frá annarri starfsemi í húsi með sjálfstæðum inngangi og eigin garði sem er lokaður frá öðrum leiksvæðum. Þetta rými var notað sem aukarými fyrir sérkennslu en þar sem meirihluti barna, sem nýtti sér sérkennslu þar, myndi fara með 5 ára hópnunum í nýtt hús, skapast frábært rými fyrir smábarnastarf. **12 ný börn.**
7. Loks viljum við bjóða 1 árs leikskólabörnum rými í smábarnaskólanum okkar Hnoðraholti Garðabæ. Mikil eftirspurn er meðal reykvískra foreldra eftir plássi fyrir börnin sín en þar sem ekki liggur fyrir samningur um leikskólaframlag, höfum við þurft að vísa þeim foreldrum frá Hnoðraholti. **T.d. 10 börn.**

Kærar kveðjur,

*Leikja*

Leikskólasvið - Skjalasafn

SFS2017050105

26. MAR 2010

Málsnr.: LEIK 2010.050317

Skjalnúmer: LEIKSKÓLA

10.10

**Samningur um framlag Leikskólasviðs til sjálfstætt starfandi leikskóla fyrir börn frá 18 mánaða til 6 ára**

Leikskólasvið Reykjavíkurborgar, kt. 530269-7609, hér eftir nefnt Leikskólasvið og Hjallastefnan ehf, kt. 540599-2039, gera með sér eftirfarandi samning um rekstrar- og húsnæðisstyrk, hér eftir nefnt framlag, vegna vistunar reykvískra barna í leikskólanum Öskju, hér eftir nefndur leikskólinn.

**1. gr.**

**Reglur sem sjálfstætt starfandi leikskólum ber að fara eftir**

Sjálfstætt starfandi leikskólar starfa skv. lögum nr. 90/2008 um leikskóla. Sjálfstætt starfandi leikskóli sem gerir samning við Leikskólasvið um framlag til leikskólans ber að fara eftir reglum Leikskólasviðs um leikskólaþjónustu þar sem við á eða reglum sem koma í þeirra stað.

**2. gr.**

**Framlag Leikskólasviðs**

Framlag Leikskólasviðs er háð því skilyrði að leikskólinn hafi gilt rekstrarleyfi í Reykjavík. Leikskólasvið greiðir framlag vegna barna sem dvelja í leikskólanum og uppfylla skilyrði um aðgang í leikskóla Reykjavíkurborgar, þ.e. lögheimili barns og föst búseta er í Reykjavík og foreldrar þess eru ekki í vanskilum við Leikskólasvið, sjá nánar 2. grein í reglum Leikskólasviðs um leikskólaþjónustu. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum við Leikskólasvið.

Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri eða þá að foreldrar fá greidda þjónustutryggingu. Leikskólasvið greiðir með barni meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýjum stað fyrr en að uppsagnarfrestur er liðinn.

Hefji barn nám í grunnskóla fellur niður réttur til framlags Leikskólasviðs.

Leikskólinn skal útbúa skriflegan dvalarsamning undirritaðan af leikskólastjóra / rekstraraðila og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir Leikskólasvið þegar óskað er eftir þeim.

Í samræmi við reglur Leikskólasviðs um þjónustutryggingu er leikskólinn skuldbundinn til að upplýsa Leikskólasvið um reykvísk börn á biðlista leikskólans og hvort foreldrum hafi verið boðið leikskólaþjónustuláss fyrir barn.

**3. gr.**

**Fjöldi barna og vistunartíma**

Fjöldi barna sem greitt er framlag með er að hámarki 80 nema rekstrarleyfi leikskólans kveði á um færri börn. Ef rekstrarleyfi leikskólans breytist með þeim hætti að börnum skv. því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálf dagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálf dagsvistun reiknast sem eitt barn í heilsdagsvistun.

*PPB*  
*10.10*

Fjöldi niðurgreiddra dvalarstunda er í samræmi við 1. grein í reglum Leikskólasviðs um leikskólalþjónustu.

#### 4. gr.

### Rekstrarframlag

#### 4.1 Rekstrarframlag fyrir börn frá 18 mánaða til 6 ára:

Leikskólasvið greiðir rekstrarframlag með þeim börnum sem dvelja í leikskólanum á hverjum tíma frá 18 mánaða aldri og þar til barn hefur grunnskólagöngu um 6 ára aldur, ef skilyrðum skv. 2. gr. samningsins er fullnægt.

Rekstrarframlagið er byggt á áætluðum heildarkostnaði (án húsaleigu) við börn í borgarreknum leikskólum, skv. fjárhagsáætlun ársins, þ.e. áætluðum rekstrarkostnaði borgarrekkinna leikskóla, á ársgrundvelli, þ.e. fyrir 12 mánaða tímabil að viðbætti fjárhæð vegna sameiginlegs kostnaðar borgarrekkinna leikskóla sem ekki er áætlaður á borgarrekna leikskóla og að frádreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

Heildarkostnaður (án húsaleigu) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

#### a) Rekstrarframlag fyrir hvert barn er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássa í borgarreknum leikskólum.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1.

#### b) Framlag fyrir hvert dvalargildi er reiknað út á eftirfarandi hátt:

Í þann hluta heildarkostnaðar (án húsaleigu) á ársgrundvelli sem er áætlaður pr. dvalargildi er deilt með áætluðum fjölda dvalargilda í borgarreknum leikskólum.

Mánaðarlegt rekstrarframlag fyrir hvert dvalargildi nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Leikskólasviðs vegna leikskóla Reykjavíkur margfölduð með 1,15, sjá nánar í yfirliti yfir rekstrar- og húsnæðisframlag í viðauka 1. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. dvalargildi á mánuði kemur fram í yfirliti yfir rekstrar- og húsnæðisframlag í viðauka 1.

Hlutfall fagmenntaðra starfsmanna leikskólans reiknast til hækkunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka 1. Leikskólanum ber að veita Leikskólasviði upplýsingar um fagmenntun starfsmanna sinna.

REF  
[Handwritten signature]

Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðum starfsmönnum kemur fram í yfirliti yfir rekstrar- og húsnæðisframlag í viðauka 1 og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækkun/lækkun greiðslu.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum 6. gr. reglna Leikskólasviðs um leikskólalþjónustu. Hærra framlag er ekki greitt afturvirktt og miðast við þann dag er gögnum er skilað til Leikskólasviðs.

Fjárhagsáætlun Leikskólasviðs liggur til grundvallar útreikningi framlagsins. Rekstrarframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfu um hagræðingu í rekstri.

#### **4.2 Rekstrarframlag fyrir börn yngri en 18 mánaða:**

Samningurinn gildir vegna barna 18 mánaða til 6 ára en hefji barn leikskóladvöl áður en það nær 18 mánaða aldri greiðist sama framlag og vegna vistunar reykvískra barna hjá dagforeldrum.

Greitt er rekstrarframlag fyrir börn hjóna og sambúðarfólks frá 9 mánaða aldri og fyrir börn einstæðra foreldra og námsmanna frá 6. mánaða aldri, til samræmis við núgildandi reglur um niðurgreiðslur til dagforeldra<sup>1</sup>. Fjárhæð framlags er sú sama og niðurgreiðsla vegna barna hjá dagforeldrum. Rekstrarframlag er greitt út mánaðarlega með ellefu greiðslum á ári en ekki er greitt í júlí. Um framlagið gilda sömu reglur og um niðurgreiðslur til dagforeldra.

Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í 5 daga á ári, sem er sami dagafjöldi og hjá borgarreknum leikskólum, án þess að rekstrarframlag skerðist.

Hærra framlag með börnum einstæðra foreldra, öryrkja, námsmanna og hærra framlag vegna systkina er háð skilyrðum skv. 6 gr. í reglum Leikskólasviðs um leikskólalþjónustu. Hærra framlag er ekki greitt afturvirktt og miðast við þann dag er gögnum er skilað til Leikskólasviðs.

Fjárhæð framlags kemur fram í yfirliti yfir niðurgreiðslur til dagforeldra í viðauka 2 við samning þennan og birt er á heimasíðu Leikskólasviðs, [www.leikskolasvid.is](http://www.leikskolasvid.is).

Rekstrarframlagið endurskoðast í janúar ár hvert í samræmi við breytingar á fjárhagsáætlun Leikskólasviðs, sem liggur til grundvallar á útreikningi framlagsins. Heimilt er að endurskoða fjárhæð framlags oftar.

#### **5. gr.**

#### **Húsnæðisframlag**

<sup>1</sup> Greiðslur vegna barna frá 6 mánaða aldri eru háðar sömu skilyrðum og gerð eru til að fá greitt hærra framlag vegna hjúskaparstöðu eða náms.



Leikskólasvið greiðir húsnæðisframlag fyrir þau börn sem dvelja í leikskólanum á hverjum tíma, enda er leikskólinn í eigin húsnæði / leiguhúsnæði, ef skilyrðum skv. 2. gr. samningsins er fullnægt.

Fjárhæð húsnæðisframlags er samkvæmt reglum Leikskólasviðs um húsnæðisframlag á hverjum tíma eins og kemur fram í viðauka 1 við samning þennan og birt er á heimasíðu Leikskólasviðs, [www.leikskolasvid.is](http://www.leikskolasvid.is).

Árlegt húsnæðisframlag fyrir hvert barn er reiknað út á eftirfarandi hátt: Í áætlaðan húsaleigugostnað allra borgarrekkinna leikskóla á ársgrundvelli, þ.e. fyrir 12 mánaða tímabil er deilt með áætluðum fjölda barna í leikskólum borgarinnar. Mánaðarlegt húsnæðisframlag fyrir hvert barn nemur 1/11 af árlegu húsnæðisframlagi en ekki er greitt í júlí.

Húsnæðisframlag er endurskoðað í janúar ár hvert í samræmi við fjárhagsáætlun Leikskólasviðs og áætlaðan fjölda barna í leikskólum Reykjavíkurborgar á rekstrarárinu. Húsnæðisframlagið verður einnig endurskoðað ef breytingar verða í rekstrarumhverfi Leikskólasviðs, s.s. vegna breytinga á lögum, reglugerðum og kjarasamningum, fjárhagsáætlun Leikskólasviðs eða vegna kröfu um hagræðingu í rekstri.

#### 6. gr.

##### Viðbótargreiðsla vegna barna með sérþarfir

Leikskólasvið mun greiða fyrir sérstaka aðstoð og þjálfun skv. mati viðurkenndra greiningaraðila í samræmi við reglur Leikskólasviðs sem gilda fyrir öll reykvísk börn sem vistuð eru í leikskólum, sbr. 1. mgr. 22. gr. laga um leikskóla nr. 90/2008. Reglurnar eru birtar á vef Leikskólasviðs, [www.leikskolasvid.is](http://www.leikskolasvid.is).

#### 7. gr.

##### Greiðsla framlags

Rekstrar- og húsnæðisframlag er greitt mánaðarlega, eigi síðar en 20. hvers mánaðar fyrir yfirstandandi mánuð. Greitt er í samræmi við upplýsingar í Nýja leikskólakerfinu<sup>2</sup>, þar sem leikskólastjóri skráir upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, kennitölur, lögheimili, tímabil vistunar barns í yfirstandandi mánuði, fjölda dvalarstunda skv. dvalarsamningi og upplýsingar um hlutfall fagmenntaðra starfsmanna leikskólans.

Skrá þarf upplýsingar vegna hærra framlags, s.s. vegna systkina, námsmanna, öryrkja og einstæðra foreldra í Nýja leikskólakerfið. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum Leikskólasviðs um leikskólaþjónustu og gjaldskrá Leikskólasviðs vegna leikskóla Reykjavíkur á [www.leikskolasvid.is](http://www.leikskolasvid.is).

Leikskólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestun verður á staðfestingu (bunkun) getur orðið samsvarandi frestun á greiðslu framlags til leikskólans.

Rekstrar- og húsnæðisframlag verður ekki greitt lengra aftur í tímann en 3 mánuði frá umsóknardegi. Ef Leikskólasvið hefur greitt framlag fyrir barn, t.d. vegna annarrar vistunar eða þjónustutryggingu, verður rekstrar- og húsnæðisframlag lækkað um sömu fjárhæð.

Ef leikskólinn verður var við mistök í greiðslu framlags ber honum að tilkynna Leikskólasviði um þau án tafar.

<sup>2</sup> Unnið er að gerð nýs upplýsingakerfis fyrir Leikskólasvið sem tekið verður í notkun á árinu 2010.

REB  
mpó

**8. gr.**

**Gjaldskrá**

Gjaldskrá leikskólans vegna barna, 18 mánaða og eldri, má aldrei vera hærri en sem nemur gjaldskrá Leikskólasviðs, vegna náms og fæðis barna í leikskólum borgarinnar, margfölduð með 1,15.

**9. gr.**

**Fjárhagsleg ábyrgð**

Leikskólinn ber alla ábyrgð á rekstri leikskólans. Réttarsamband leikskólans og viðskiptavinar hans er einkaréttarlegs eðlis og Leikskólasviði óviðkomandi. Leikskólanum er óheimilt að framselja samning þennan eða réttindi samkvæmt honum.

**10. gr.**

**Eftirlit**

Leikskólasvið fer með lögbundið eftirlit með starfsemi leikskólans og einnig með eftirlit með efndum samningsins.

Leikskólinn skal afhenda Leikskólasviði ársskýrslu og gjaldskrá fyrir lok ágúst ár hvert. Breytingar á gjaldskrá skal tilkynna Leikskólasviði þegar þær taka gildi.

Áritaður ársreikningur af löggiltum endurskoðanda og önnur gögn, sem nauðsynleg eru vegna eftirlits með efndum samningsins, skulu vera aðgengileg fyrir Leikskólasvið.

**11. gr.**

**Endurkrafa á ofgreiddu framlagi**

Komi í ljós að Leikskólasvið hafi ofgreitt framlag af einhverjum ástæðum, t.d. vegna rangra upplýsinga eða mistaka mun Leikskólasvið lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreidd hefur verið vegna sé hætt í leikskólanum. Leikskólinn getur óskað eftir að endurgreiðslu verði skipt á þrjá mánuði.

**12. gr.**

**Breytingar á lögum og reglugerðum**

Verði breytingar á starfsumhverfi leikskóla vegna breytinga á lögum eða reglugerðum um leikskóla er aðilum samningsins heimilt að endurskoða ákvæði þessa samnings með tilliti til þeirra.

**13. gr.**

**Gildistími og uppsögn**

Samningurinn tekur gildi 1.ágúst 2010. Samningurinn er uppsegjanlegur af hálfu beggja aðila með sex mánaða fyrirvara.

Ákvæði þessa samnings sem vísa til reglna Leikskólasviðs um leikskólaþjónustu taka breytingum til samræmis við breytingar á reglum um leikskólaþjónustu eða reglna sem koma í þeirra stað, án sérstakrar tilkynningar eða uppsagnar af hálfu Leikskólasviðs.



14. gr.

Varnarþing

Rísi mál út af samningi þessum skal það rekið fyrir Héraðsdómi Reykjavíkur.


Reykjavík, 19.maí 2010

F.h. Reykjavíkurborgar

F.h. Hjallastefnunnar ehf.





Hanna Birna Kristjánsdóttir  
Borgarstjóri



Margrét Pála Ólafsdóttir

Vottar að rétttri dagsetningu, undirritun og yfirlýsingu aðila um fjárræði sitt



---

Viðaukar

Viðauki 1: Um rekstrar- og húsnæðisframlag

Viðauki 2: Um niðurgreiðslur til dagforeldra

Viðauki 3: Um reglur um leikskólalþjónustu

**Viðauki við samning um framlag skóla- og frístundasviðs til sjálfstætt starfandi leikskóla fyrir börn frá 18 mánaða til 6 ára**

1. gr.

Leikskólasvið, nú skóla- og frístundasviðs Reykjavíkurborgar, kt. 530269-7609 og Hjallastefnan ehf, kt. 540599-2039 gerðu þann 19. maí 2010, með sér samning um rekstrarstyrk, hér nefnt framlag vegna vistunar reykvískra barna í leikskólanum Öskju. Auk þess gerðu aðilar með sér viðauka við samninginn þann 24. september 2012. Jafnframt var samþykktur viðauki við samning aðila í borgarráði þann 4. júlí 2013.

Aðilar framangreinds samnings hafa ákveðið að gera viðauka við framangreindan samning og viðauka samkvæmt honum.

2. gr.

Eftirfarandi breytingar eru gerðar á gildandi samningi :

- (i) Við 1. gr. bætist nýr málsljóðandi: „*Jafnframt ber að fara eftir reglum Reykjavíkurborgar um styrki, þ.á.m. því að geta þess í kynningarefni skólans að hann njóti styrks frá Reykjavíkurborg.*“
- (ii) Í 1. ml. 2. mgr. 2. gr., um framlag skóla- og frístundasviðs, falla niður orðin: „*eða þá að foreldrar fá greidda þjónustutryggingu.*“
- (iii) Í 5. mgr. 2. gr. falla brott orðin „*Í samræmi við reglur Leikskólasviðs um þjónustutryggingu er ...*“.  
  
5. mgr. 2. gr. verður svohljóðandi: „*Leikskólinn er skuldbundinn til að upplýsa skóla- og frístundasvið um reykvísk börn á biðlista og hvort foreldrum hafi verið boðið leikskólaláss fyrir barn.*“
- (iv) Í 2. ml. 4. mgr. 7. gr. samningsins, um greiðslu framlags, falla út orðin „*eða þjónustutryggingu*“.
- (v) 1. mgr. 13. gr. samningsins verður svohljóðandi:  
„*Samningurinn tekur gildi þann ( dags. undirritunar). Samningurinn gildir til þriggja ára og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um fjárhagslegar skuldbindingar skv. samningnum eftir fyrsta ár samningsins. Samningurinn er uppsegjanlegur af hálfu beggja aðila með sex mánaða fyrirvara.*“
- (vi) Í stað orðsins „*leikskólasvið*“ í samningnum skal standa „*skóla- og frístundasvið*“.

*[Handwritten signature]*

3. gr.

Viðauki þessi telst vera hluti framangreinds samnings milli aðila frá 19. maí 2010 og viðauka við hann og gilda sömu ákvæði um uppsögn og endurskoðun samningsins. Að því leyti sem ákvæði viðauka þessa og gildandi samnings kunna að teljast ósamrýmanleg gilda ákvæði viðaukans.

4. gr.

Með undirritun viðauka þessa staðfesta samningsaðilar jafnframt að hafa gengist undir efnisákvæði viðauka, sem samþykktur var í borgarráði þann 4. júlí 2013.


5. gr.


Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir Héraðsdómi Reykjavíkur.

6. gr.

Viðauki þessi er gerður í tveimur samhljóða eintökum, sitt handa hvorum samningsaðila.

Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og Áslaugu Huldu Jónsdóttur, framkvæmdarstjóra, f.h. Hjallastefnunnar ehf, sem ábyrgist að fyrir hendi sé heimild stjórnar skólans til að undarrita viðauka þennan.

Reykjavík  
  
Reykjavíkurborg  
Skóla- og frístundasvið  
F.h. Reykjavíkurborgar  
skóla- og frístundasvið

  
F.h. sjálfstætt starfandi leikskóla  
HJALLASTEFNAN  
Kt. 540599-2039  
www.hjalll.is  


Vottar að dags. og undirritun:

Eyninn Ingibj. Sigþórsd. kt 261066-8319  
Óhri Montmann kt 281267-5079

**Viðauki við samning um framlag skóla- og frístundasviðs**

Leikskólasvið Reykjavíkurborgar, nú skóla- og frístundasvið Reykjavíkurborgar, og Hjallastefnan ehf., kt. 540599-2039, gerðu þann 19. maí 2010 með sér samning um rekstrar- og húsnæðisstyrk, hér eftir nefnt framlag, vegna vistunar reykvískra barna í leikskólanum Öskju.

Með samningnum frá 19. maí 2010 samþykkti Leikskólasvið að greiða framlag vegna vistunar 80 reykvískra barna í Öskju að nánari skilyrðum uppfylltum.


Með vísan til framkominnar beiðni Hjallastefnunnar ehf. gera skóla- og frístundasvið Reykjavíkurborgar og Hjallastefnan ehf. viðauka við framangreindan samning um að skóla- og frístundasvið auki framlag sitt og greiði frá og með 1. september 2012 framlag vegna 28 barna til viðbótar. Samtals greiðir skóla- og frístundasvið því framlag vegna dvalar 108 reykvískra barna, í leikskóla Hjallastefnunnar ehf., Öskju, að nánari skilyrðum uppfylltum, sem eru þau sömu og skv. samningnum frá 19. maí 2010.

Þá mun skóla- og frístundasvið greiða tímabundið til eins árs frá og með 1. september 2012 til og með 31. ágúst 2013 framlag vegna 17 barna til viðbótar við framangreint og samtals 20 barna frá þeim degi sem rekstrarleyfi vegna fleiri barna verður samþykkt, með fyrirvara um að rekstrarleyfið verði samþykkt. Samtals greiðir því skóla- og frístundasvið tímabundið til eins árs, framlag vegna dvalar að hámarki 128 reykvískra barna, nema rekstrarleyfi leikskólans kveði á um færri börn, í leikskóla Hjallastefnunnar ehf., Öskju, að nánari skilyrðum uppfylltum, sem eru þau sömu og skv. samningnum frá 19. maí 2010.


Viðauki þessi telst vera hluti framangreinds samnings milli aðila frá 19. maí 2010 og gilda sömu ákvæði um uppsögn og endurskoðun samningsins.


Reykjavík, 24. september 2012

F.h. skóla- og frístundasviðs


 Reykjavíkurborg  
Skóla- og frístundasvið


F.h. Hjallastefnunnar ehf.

 Jóna D. Jónsdóttir. 260773-3139

 Hólmur M. Bjarnadóttir. 200856-5975

Vottar að rétttri dagsetningu, undirritunum og yfirlýsingu aðila um fjárræði sitt.

 Adalbjörn Guðjónsson 110662-4249

 Guðrún Sigurðardóttir. 240467-4619

## Viðauki 2 við samning um framlag skóla- og frístundasviðs

Leikskólasvið Reykjavíkurborgar, nú skóla- og frístundasvið Reykjavíkurborgar, og Hjallastefnan ehf., kt. 540599-2039, gerðu þann 19. maí 2010 með sér samning um rekstrar- og húsnæðisstyrk, hér eftir nefnt framlag, vegna vistunar reykvískra barna í leikskólanum Öskju. Þann 24. september 2012 var gerður viðauki við samninginn.

Með viðaukanum þann 24. september 2012 samþykkti skóla- og frístundasvið að greiða framlag vegna vistunar 108 reykvískra barna í leikskólanum Öskju. Einnig var samþykkt að greiða frá og með 1. september 2012 til og með 31. ágúst 2013 framlag vegna 17 barna til viðbótar og svo aftur þriggja barna til viðbótar, samtals 128 barna frá þeim degi sem rekstrarleyfi vegna fleiri barna yrði samþykkt, tímabundið til 31. ágúst 2013.

Á fundi skóla- og frístundasviðs þann 15. maí 2013 var samþykkt nýtt rekstrarleyfi fyrir leikskólann Öskju. Samkvæmt nýju rekstrarleyfi hefur leikskólinn leyfi til að hafa 101 barn samtímis í leikskólanum. Samtals greiðir skóla- og frístundasvið því framlag vegna dvalar 101 reykvískra barna frá 15. maí 2013, í leikskóla Hjallastefnunnar ehf., Öskju, að nánari skilyrðum uppfylltum, sem eru þau sömu og skv. samningnum frá 19. maí 2010.

Viðauki þessi telst vera hluti framangreinds samnings milli aðila frá 19. maí 2010 og gilda sömu ákvæði um uppsögn og endurskoðun samningsins.

Reykjavík x. maí 2013

F.h. skóla- og frístundasviðs

f.h. Hjallastefnunnar ehf.

---

---

---

Vottar að rétttri dagsetningu, undirritunum  
Og yfirlýsingu aðila um fjárræði sitt.

---

---